


BIBLIOTEKA


Zakl. Nar. Im. Ossolińskich


XVII 3.201



2.952

ms.
his chron





IVLII AGRICOLÆ

VITA.

31

C. CORNELIO TACITO
SCRIPTA,

IN QVA

Aulici optimi, Adulatoris vaferrimi, Militis fortis-
simi, Consiliarij prudentissimi, Præfecti Prouinciæ vigi-
lantissimi, Consulis auctoritate grauissimi, Ducis ac
Imperatoris, rerum gestarum magnitudine
præstantiss. varia ingenia, mores,
studia, describuntur ;

Primò
In gratiam Iuuentutis. Academica.



Operâ
M. IOANNIS CYRERSKI RACHTAMOWI,
Coll: Maioris, Eloqu. Profess. Tyliciani.

Per Aphorismos Politicos explicata ;

Deinde, ob penuriam exemplarium, in lucem edita.

Anno Dni 1643.

2.952

CRACOVIAE, In Officina Typographica Francisci Casarij.

C. COR. TACITVS,

In Proemio Agricola.

Celeberrimus quisque ingenio, adproendam virtutis memoriam, sine gratia, aut ambitione, bonæ tantum conscientia pretio ducitur.

THRASEAS MORITVRVS,

Annalium Lib: XVI.

Specula Iuuenis; Et omen quidem Dij prohibeant, ceterum in ea tempora natus es, quibus firmare animum expedit, constantibus exemplis.

SYDONIVS IN PANEGYRICO,

Ad Anthemium.

Quâ Crispus breuitate placet, quo pondere Varro,
Quo genio Plautus, quo flumine Quinctilianus,
Quâ pompâ Tacitus, nunquam sine laude loquendus. &c. &c.

Generosis ac Magnanimis Iuuenibus,

D. STEPHANO ZAMOYSKI,
Castellanidæ Leopoliæ.

D. MICHAELI STRADOMSKI,
FRATRIBVS AMITINIS,
Inuicemque amantiss.

In Palaestra Tyliciana, Nobiliss. Philorhetoribus,

M. Ioannes Cynerski Rachtamouius, Coll. Maior, Eloquentiæ
Professor Tylicianus, S. & P.



Actenus ex Vita C. Iulij Agricola, à C. Cor.
Tacito scripta, Aphorismos Politicos, una
vobiscum delibauì, Iuuenes magnanimi.
Fuiſtis enim vos illorum frequentissimi,
diligentiſſimiq; Auditores: ipſumq; ut fi-
delibus ſubiectum haberetis oculis, deſide-
raſtis authorem. Ecce verò meis impenſis, præſto habetis, bo-
no publico, luci publicæ datum, & prælo excuſſum. Recipite
omine fauſto, legite bonis auſpicijs, tantum eruditionis recon-
dita theſaurum; verba verbis, res rebus, diligenti mentis tru-
tinâ, examinate, perpendite; nunquam vos operæ inſumptæ
panitebit. Quid effecerim, aut quid fecerim potiùs, binis in
dieſ horis, lectitando, commentando; quid vos quoq; proſece-
ritis, auſcultando, ſcriptitando; iudicent æqui rerum æſtima-
tores. Equidem ſatis habui perſpectam, veſtram conſtan-
tiam, alacritatem, fidem; quæ me ſæpiùs etiam languentem,
erigebat & excitabat ad opus, non rudi penitus perſciendum
penicillo. Spectaſtis & vos in Agricola, Aulici optimi, mili-
tis fortiſſimi, Conſiliarij prudentiſſimi, Præſecti Prouinciæ


Vigilantissimi Consulti auctoritate grauissimi, Ducis ac Im-
peratoris vestrorum gestarum magnitudine præstantissimi, cetero-
rumque per gradus sensum tractucta studia, & incrementa:
Vnde vobis perperam aulicorum adulatorum ingenia considera-
stis, veris similibus rebus in agendis prudentiam, suspexitis abstra-
sa, iudiciorum momenta, diuinationes etiam, coniecturas ani-
maduersiones Politicorum, quibus non facta modo, & dicta
hominum, sed sensa etiam & arcana Consiliorum inuoluuntur,
iuxtaq; recluduntur, ingenio sagaci penetrastis, perspexistis.
Charactere porro dictionis, siccum quidem sed sobrium, ad-
strictum sed acutum, densum sed sententiosum, quo paucis
plurima continentur, dicunturq; sepe etiam que non dicun-
tur insinuantur tantum, admirati estis: indeq; Tacitum, quod
taceat multis, quodq; se ipsum etiam tacitus in gratiam insi-
nuet prudentium, merito nominatum cognouistis, approbastis.
Neq; vero hac ego, tanquam mea vendito, mihiq; (que ab alio-
rum graui iudicio profecta sunt) usurpo, sed amolior præcipi-
tem multorum licitationem, qui, quoniam nihil secum pretij
ferunt, ne pilo quidem licentur, vel optima. Sed ista non ven-
do inquam, dono vobis potius, Iuvenes magnanimi, vestroq;
nomini dicata volo: ut quod studia eloquentie (que rerum co-
gnitione optimarum, nisi abundauerit, ut in lingua inane
volubilitatem degeneret, est necesse) vehementer amplexa-
mini, alere possim non modo voce, & quotidiana lectione, sed
etiam scripro, & memoria literarum. Quod ut faciam, cum
vestri candidi mores, & ex opera bona, profectus bonus merc-
tur, cum Illustrium Parentum vestrorum, virtus singularis.
Et de Tua quidem Gente ZAMOSCIA, Stephane ma-
gnanime, melius est silere, quam pauca loqui (ut de Carthagi-
ne dixit Sallustius) cum præsertim ingentem illius factorum

gloriam, non tantum noster hic Sarmaticus, sed Orbis etiam
huc usq; admiraretur vniuersus. Illi ipsi, qui quotannis, varia
et laborata rerum gestarum commemoratione, in Inclita
Zamoscensi Academia, desudant Oratores, consumptis et in
huc emissis tot lucubrationibus, vix primo aditu, vastum
meritorum Oceanum attigerunt. Gens enim ZAMOSCLA
Illustrissima, prouida benignitate, Mineruam semper coluit,
quam etiam in obsequium crudi Martis, eiusq; castra euocare
non dubitauit, ut sapientia munitus praesidio, fortius, ac sali-
cius pugnaret in hostem. Eadem demum opima spolia, in do-
micilio Minervae fixit, et Martem quasi consanguineo nexu
Deae constrinxit, ut sagatus Deus, togata Dea, serena fami-
liaritate emollitus, humanior videretur. Neq; virtus hac spe-
ctata tantum fuit in viris, sed Matronas etiam, in illustre
certamen pietatis prouocauit. Propitium Numinis fauorem
sensit imprimis, per Illustriss. olim Heroem IOANNE M
ZAMOSCIUM, Patrem Patriae, Regni Cancell. Supre-
mum Exercituum Ducem, bonorum ingeniorum ac literarum
altrix Academia, qui primus Musas e Parnasso, in suum Za-
moscium euocauit, ut ingeniosior ad Patriae praesidium surge-
ret posteritas, sensit similem propensionis affectum in THO-
MA ZAMOSCIO, Regni quoq; Cancellario, qui ob ho-
norem Patris, vno minor gradu, decessit e vita. Sensit et
in CATHARINA ZAMOSCLA, omnibus heroicis
virtutibus ornatissima Matrona; quae quod desideratissimus
Coniunx, magnifice parauit, et iunxit; magnificentius in-
struxit, disposuit, propagauit. Vidi praesens ipse (dum ea in
Urbe hospes essem, cum Generoso Francisco Lesniowski, Ca-
pit. Branccon.) per amplum locorum ambitum, structuram a-
miror et nulli meoq; magis quam illi, quod illud edificia-

disficioꝝũ uisendam in icone aspexi, & suspexi: depositum
ingens impensarum, paratum ac designatum intellexi: quæ Tu
singula Illustriss. IO ANNES ZAMOYSKI, & libet
enim absentem compellare) uirtutis, paternæ, maternæq; uirtu-
tis ac indolis heres. Numine propitio, magnificentiſſimè per-
ficere (quæ Tua est in bonas literas propensio) debebis. Sed quo-
me pius feruor abduxit, & admiratio? Illustriss. equidem
VENCESLAVS ZAMOYSKI, Castell. Leopoldicæ
Tuus Pater Generose STEPHANE, quantum ualueris
fortitudine in periculis sustinendis, prudentia in rebus agen-
dis, felicitate in perficiendis, iustitia in negotiis dubiis diu-
dicandis, res gestæ, non in Polonia solum, sed etiam in Hunga-
ria, a prima ætate, ad hanc ipsam deuexam gratitatem liqui-
dò testantur. In illius pectore prudens Consus, in ore Suadella
residet gratissima. Morum enim Comitatus tanta est, ut sit ne-
mo, Vicinorum externorumq; hominum, quem non pertrahat,
in amorem sui, & intimam charitatem. Cum uerò sit illi in
Senatu ætate par nemo, meritò Nestor Sarmaticus potest ap-
pellari. Non minus enim prompto consilio, quam flexanima e-
loquentia, nec solum annis quam rerum usu, atq; prudentiæ
abundat ille Gentis ZAMOSCIÆ uetustum tueretur decus,
ille promouet intimas consiliorum rationes, ille propositi tenax
curat, & inuigilat, ut ne latum unguem, à moribus antiquis,
priscaq; fide, & maiorum sancitis atq; uoluntate, alioſum di-
ſcedatur. Unde eam rerinet auctoritatem, quam Fabius ille
Maximus, qui cunctando Romanam restituit rem, conserva-
uit. Quæ sit illius pietas, erectum Xenodochium & dotatum,
beneficiumq; Præpositura Staro Zamosciana testatur. Tam
uero quàm literarum, ac literatorum sit amantissimus, perpe-
tua consuetudo docet, atq; familiaritas cum uiris doctis, quos

amicè colit, obseruat, veneratur. Quare vestigiis Paternis
insistens, permittite Suauiss. Stephane, præclaros istos indolis
bonæ adulescere fructus, atq; ut capisti, liberales disciplinas,
in suæ cum eloquentiæ conuertere. Sic Et te emolumento singu-
laris Et Illustriss. Parentes Tuos, (ut quidem debes) gratissi-
ma beatis solatio. Tu quoq; Generose Michael, in hoc squal-
lore, atq; orbitate, unde petere debeas solatium, quàm ab ijs
antibus, a quibus Magnificus olim Pater Tuus, multis annis
morbo graui depressus, Et afflictus, petere solebat? Arcebant
illum ab illecebris peccantium, præter ipsius bonam integrâq;
naturam, quod statim paruulus, sedem ac magistram studio-
rum Academiam Cracouiensem habuerit: locum cum omni gene-
re scientiarum, tum parsimoniâ cultum, ac benè compositum.
Exteras deinde regiones magis prudens, quàm curiosus adiit,
indeq; melior redijt. Nam Hereticorum cum inspexisset fæ-
dam proteruiam, animum Orthodoxæ Religioni addixit, eo se
ipso semper melior, quo pietati fuit intentior. Hic habuerunt
virtutes eius spatium, Et exemplum; prouidere egenis libera-
litate, erigere afflictos consilio; militem sumptu, veste, equo,
apparatu, donare; Religiosas Familias, sine delectu, sine super-
cilio, omnes passim, non in ades tantum, sed Et in animum ad-
mittere. Quis non meminit, quæ fuerit NICOLAÏ STRA-
DOMSKI humanitas, quæ beneuolentia in omnes, Et ani-
mi alacritas? quanquam publica luce caruit, intraq; parietes
aluit eam sapientiam, quàm raro admodum è nostratibus quis-
quam consequitur. Nouerant amici candorem, sciebant vi-
cini vitæ probitatem, externi quoq; homines, famam viri per-
ceperant: insuper S. R. M. eximias illius dotes, oblatro Castel-
lanatu Radomscen. coronare volebat: at ille procubans omni
ambitione, tantos honores non admittebat: siue hoc fuit necessè.

tatis (quam sibi morbus imposuerat) argumentum, siue modeste voluntatis. Sciebat (ut noster Tacitus ait) Sublime & erectum ingenium, pulchritudinem ac speciem excelsæ magnæq; gloriæ vehementius, quàm cautiùs appetere: atq; eò deinceps animum flectebat, ut publicis honoribus non tam uti voluerit, quàm dignus videri. Fortunæ quoq; fauores, modo rationis ac parsimonie duxit, ut longè à luxuria, ita fama propior. In bona verò uxore, **CATHARINA** à Zbalin, tantò maiorem laudem habuit, quantò in mala plus culpæ reperiri quidam agnoscunt. Non enim illi moribus tantum similis fuit, indole modesta, sedula, mitis: sed etiam prudens, grauis, liberalis. Pietatem verò si quis expetierit in hac Matrona, ipsi pietati fecerit iniuriam. in eius enim animo religio, sanctitas, fides, domicilium perpetuum defixit. Itaq; Te Michael magnanime, mæstum & orbum, cum bonæ literarum Parentis Tui desideratiss. merita, & Superstitis Matris, lectissima Matronæ virtutes, & possunt, & debent omnino solari: ut & Paternæ benedictioni, quam moriturus Tibi reliquit, & Maternæ satis facias voluntati. Cui porrò bono Zorauicijs Bibliotheca (quam inspexi hospes) nobilissimis authoribus refertissima, extructa à doctissimo Parente Tuo, nisi ardenti animo fueris amplexus studia literarum? Contemne igitur ignaua pectora, quæ animas sine motu, sine spiritu, sine vigore gerunt inutiles. Laborem literarium, generoso ut capisti animo perfice, gnauius in palestra eloquætiæ, Tuo cum Fratre Suauiss. Stephano, desuda atq; contende, ut & Amicorum expectationi, & nostris votis, & Gentilicio Tuo Stemmati, quod D. Stanislaus Sczepanovius, fortissimo illustrauit Martyrio, respondeas. Dat. è Musæo meo, Sacro Sabbatho Palmarum. Anno Dñi, 1643.



IVLII AGRICOLÆ VITA.

A

C. CORNELIO TACITO
SCRIPTA.



LARORVM Virorum facta, moresque posteris tradere, antiquitus vsitatum, ne nostris quidem temporibus quanquam incuriosa suorum ætas omisit, quotiens magna aliqua ac nobilis virtus vicit ac supergressa est vitiū paruis magnisq; ciuitatibus commune, ignorantiam recti, & inuidiam. Sed apud priores vt agere memoratu digna prouum, magisq; in aperto erat: ita celeberrimus quisque ingenio, ad prodendam virtutis memoriam, sine gratia aut ambitione, bonæ tantum conscientie pretio ducebatur. Ac pleriq; suam ipsi vitam narrare, fiduciam potius morum, quam arrogantiam arbitrati sunt. nec id Rutilio & Scauro citra fidem, aut obrectationi fuit. adeo virtutes iisdem temporibus optimè æstimantur, quibus facillimè gignuntur. At mihi nunc narraturo vitam defuncti hominis, veniam opus fuit, quam non petissem, * ni incurfaturus tam sæua & infesta virtutibus tempora. Legimus cum Aruleno Rustico Pætus Thrasea, Herennio Senecioni Priscus Heluidius, laudati essent, capitale fuisse: neq; in ipsos modo auctores, sed in libros quoque eorum sæuitum, delegato Triumuiris ministerio, vt monumenta clarissimorum

A

morum

morum ingeniorum Comitio ac foro vrentur. Scilicet illo igne vocem Po: Ro: & libertatem Senatûs, & conscientiam generis humani aboleri arbitrabantur, expulsis insuper sapientiæ Professoribus, atque omni bona arte in exilium acta, ne quid vsquam honestum occurreret. Dedimus profectò grande patientiæ documentum, & sicut vetus ætas vidit, quid vltimum in libertate esset: ita nos quid in seruitute, adempto per inquisitiones & loquendi audiendique commercio. Memoriam quoque ipsam cum voce perdidimus, si tam in nostra potestate esset obliuisci, quam tacere. Nunc demùm redit animus, & quamquam primo statim beatissimi sæculi ortu, Nerua Cæsar res olim dissociabiles miscuerit, principatum ac libertatem; augeatque quotidie facilitatem imperij Nerua Traianus, nec spem modò ac vorum Securitas publica, sed ipsius voti fiduciam ac robur assumpserit: naturâ tamen infirmitatis humanæ, tardiora sunt remedia quam mala, & vt corpora lentè augescunt, citò extinguuntur: sic ingenia studiaq; oppressoris facilius, quam reuocaueris. Subit quippè etiam ipsius inertiae dulcedo, & inuisa primò desidia, postemò amatur. Quid si per quindecim annos, grande mortalis cui spærium, multi fortuitis casibus, promptissimus quisque sæuitia principis interciderunt? Pauci, & vt ita dixerim, non modò aliorum, sed etiam nostri superstites sumus, exemptis è media vita tot annis, quibus iuuenes ad senectutem, senes propè ad ipsos exactæ ætatis terminos per silentium venimus. non tamen pigebit vel inconditâ ac rudi voce memoriam prioris seruitutis, ac testimonium præsentium bonorum composuisse. Hic interim liber, honori Agricolaë soceri mei destinatus, professione pietatis, aut laudatus erit, aut excusatus.

CNAEUS Iulius Agricola, vetere & illustri Foroiulienstem coloniâ ortus, vtrumq; auum Procuratorem Cæsarum habuit: quæ Equestris nobilitas est. Pater Iulius Græcinus Senatorij ordinis, studio eloquentiæ sapientiæq; notus, ijsq; virtutibus iram

Caij Cæsaris meritis. Namque Marcum Silanum accusare iussus, & quia abnuerat, interfectus est. Mater Iulia Procilla fuit, raræ castitatis. in huius sinu indulgentiaque educatus, per omnem honestarum artium cultum, pueritiam adolescentiamq; transiegit. Arcebat eum ab illecebris peccantium, præter ipsius bonam integramq; naturam, quòd statim paruulus sedem ac magistratam studiorum Massiliam habuerat, locum Græca comitate & prouinciali parcimonia mistum, ac benè compositum. Memoria teneo solitum ipsum narrare, se in primâ iuuenta studium Philosophiæ (acrius) ultra quàm concessum Ro. ac Senatori hausisse, ni prudentia matris incensum ac flagrantem animum coercuisset. scilicet sublime & erectum ingenium, pulchritudinem ac speciem excelsæ magnæq; gloriæ vehementius quàm cautè appetebat: mox mitigauit ratio & ætas, retinuitque, quod est difficillimum, ex sapientia modum. Prima castrorum rudimenta in Britannia Suetonio Paullino, diligenti ac moderato duci approbavit, electus, quem contubernio æstimaret. Nec Agricola licenter, more iuuenum, qui militiam in lasciuia vertunt, neq; segniter ad voluptates & commeatus, titulum tribunatus & inscitiam retulit: sed noscere Prouinciã, nosci exercitui, discere à peritis, sequi optimos, nihil appetere ob iactationem, nihil ob formidinem recusare, simulq; anxius & intentus agere. Non sanè aliàs exercitior magisq; in ambiguo Britannia fuit, trucidati veterani, incensæ coloniæ, intercepti exercitus. tum de salute, mox de victoria certauerê. Quæ cuncta & si consilij ductuq; alterius agebantur, ac summa rerû & recuperatæ Prouinciæ gloria in Duce cessit, artem & vsum & stimulos addidêre iuueni. intrauitq; animum militaris gloriæ cupido, ingrata temporibus, quibus sinistra erga emittentes interpretatio, nec minus periculum ex magna famâ, quàm ex malâ. Hinc ad capeffendos magistratus, in urbem digressus, Domitiam Decidianam splendis natalibus ortam sibi iunxit, idq; matrimonium, ad maiora nitenti, decus ac robur fuit. vixeruntq; mira concordia, per mutuam caritatem, & inuicem se

anteponendo, nisi quòd in bona vxore tantò maior laus, quantò in mala plus culpæ est. Sors Quæsturæ Prouinciam Asiam, Proconsulem Saluium Titianum dedit. quòrum neutro corruptus est, quamquam & Prouincia diues ac parata peccantibus, & Proconsul in omnem auiditatem pronus, quantalibet facilitate redempturus esset, mutuam dissimulationem mali. Auctus est ibi filia in subsidium, & solatium simul. Nam filium antè sublatum, breui amisit. Mox inter Quæsturam, ac Tribunatum plebis, atq; etiam ipsum Tribunatus annum quietè & otio transiit, gnarus sub Nerone temporum, quibus inertia pro sapientia fuit. Idem Præturæ tenor & silentium, nec enim iurisdictio obuenerat. Ludos, & inania honoris, modo rationis atque abundantia duxit, vti longè à luxuria, ita famæ propior. Tum electus à Galba, ad dona templorum recognoscenda, diligentissima conquisitione, fecit ne cuius alterius sacrilegium Resp. quàm Neronis sensisset. Sequens annus graui vulnere animum domumq; eius afflixit. nam classis Othoniana licenter vaga dum in Templo (Liguria pars est) hostiliter populatur, matrem Agricola in prædijs suis interfecit: prædiaq; ipsa, & magnam patrimonij partem diripuit, quæ causa cædis fuerat. Igitur ad solennia pietatis profectus Agricola, nuntio affectati à Vespasiano Imperij deprehensus, ac statim in partes transgressus est. Initia principatus ac statum Urbis Mucianus regebat, admodum iuvene Domitiano, & ex paterna fortuna tantum licentiâ vsurpante. Is missum ad dilectus agendos Agricola, integrèq; ac strenuè versatum, vicesimæ legioni tardè ad sacramentum transgressæ præposuit, vbi decessor seditiosè agere narrabatur: quippè legatis quoq; consularibus nimia ac formidolosa erat. Nec legatus prætorius ad cohibendum potens, incertum suo an militum ingenio: ita successor simul & vltor electus, rarissimâ moderatione maluit videri inuenisse bonos quàm fecisse. Præerat tunc Britannia Vectius Bolanus, placidiùs quàm feroci Prouinciâ dignum est. temperauit Agricola vim suam, ardoremq; compescuit, ne incretceret; peritus obsequi, crudi-

eruditusq; vilia honestis miscere. Breui deinde Britannia Consularem Petilium Cerialem accepit. Habuerunt virtutes spatium exemplorum. Sed primò Cerialis modò labores & discrimina, mox & gloriam communicabat: sæpè parti exercitus in experimentum, aliquando maioribus copijs ex euentu præfecit. nec Agricola vnquam in suam famam gestis exultauit; ad auctorem & ducem, vt minister, fortunam referebat: ita virtute in obsequendo, verecundiâ in prædicando; extra inuidiam, nec extra gloriam erat. Reuertentem ab legatione legionis Diuus Vespasianus inter patricios asciuit, ac deinde Prouinciæ Aquitanix præposuit, splendidæ in primis dignitatis administratione, ac spe consulatus cui destinârat. Credunt pleriq; militaribus ingenijs subtilitatem deesse, quia Castrensis iurisdictio secura & obtusior, ac plura manu agens, calliditatem fori non exerceat. Agricola naturali prudentia, quamuis inter togatos, facilè iusteq; agebat. Iam verò tempora curarum remissionumq; diuisa. vbi conuentus ac iudicia poscerent, grauis, intentus, seuerus, & sapius miscricors: vbi officio satisfactum, nulla vlrà potestatis persona. tristitiam & arrogantiam, & avaritiam exuerat: nec illi, quod est rarissimum, aut facilitas auctoritatem, aut seueritas amorem deminuit. Integritatem atq; abstinentiam, in tanto viro referre, iniuriâ virtutum fuerit. Nè famam quidem, cui etiam sæpè boni indulgent, ostentanda virtute, aut per artem quæsiuit: procul ab æmulatione aduersus collegas, procul à contentione aduersus procuratores & vincere in gloriam, & atteri sordidum arbitrabatur. Minus triennium in ea legatione detentus, ac statim ad spem Consulatus reuocatus est, comitante opinione Britanniam ei Prouinciâ dari, nullis in hoc suis sermonibus; sed quia par videbatur. haud semper errat fama, aliquando & eligit. Consul egregiæ tum spei filiam iuueni mihi despondit, ac post consulatum collocauit; & statim Britannix præpositus est, adiecto Pontificatûs sacerdotio. Britannix situm populosq; multis scriptoribus memoratos, non in comparationem curæ ingenijue re-

feram: sed quia tum primum perdomita est. itaq; quæ priores non dum comperta, eloquentiâ percoluere, rerum fide tradêtur. Britannia insularum, quas Romana notitia complectitur, maxima, spatio ac cælo in Orientem Germaniæ, in Occidentem Hispaniæ obtenditur: Gallis in Meridiem etiam inspicitur: Septentrionalia eius, nullis contrâ terris, vasto atq; aperto mari pulsantur. Formam totius Britanniæ, Liuius veterum, Fabius Rusticus recentium, eloquentissimi auctores, oblongæ scutulæ vel bipenni assimilauere. & est ea facies citra Calcedoniam, vnde & in vniuersum fama est transgressâ. sed immensum & enorme spatium procurentium extremo iam littore terrarum, velut in cuneum tenuatur. Hanc oram nouissimi maris tunc primûm Romana classis circumuecta, insulam esse Britanniam affirmavit, ac simul incognitas ad id tempus insulas, quas Orcadas vöcant, inuenit, domuitq;ue. dispecta est & Thyle, quam hætenus nix & hyems abdebat. sed mare pigrum, & graue remigantibus, perhibent ne ventis quidem proinde attolli: credo quòd rariores terræ montesq; causa ac materia tempestatûm & profunda moles continui maris, tardius impellitur. Naturam Oceani atque æstus, neq; querere huius operis est, ac multi retulêre. vnum addiderim: nusquam latius dominari mare, multum fluminum huc atq;ue illuc ferre, nec littore tenuis accrescere aut resorberi, sed influere penitus atque ambire, etiam iugis atq;ue montibus inferi velut in suo. Cæterum Britanniam qui mortales initio coluerint, indigenæ an aduecti, vt inter Barbaros, parum compertum. Habitus corporum varij: atq; ex eo argumenta. namq;ue rutilæ Calcedoniam habitantium comæ, magni artus, Germanicam originem asseuerant. Silurum colorati vultus, & torti plerumq;ue erines, & positu contra Hispaniam. Iberos veteres traiecisse, easq; sedes occupâsse fidem faciunt. proximi Gallis, & similes sunt: seu durante originis vi, seu procurentibus in diuersa terris, positio cæli corporibus habitum dedit. In vniuersum tamen æstimanti, Gallos vicinum solum occupâsse, credibile est. Eorum sacra, depre-

hendas superstitionum peruatione. Sermo haud multum diuersus: in deposcendis periculis eadem audacia, & vbi aduenire, in detrectandis eadem formido. plus tamen ferociae Britanni praeferrunt, ut quos nondum longa pax emollierit. nam Gallos quoque in bellis floruisse accepimus: mox segnitia cum otio intrauit, amissa virtute pariter ac libertate. quod Britannorum olim visis euenit, ceteri manent quales Galli fuerunt. In pedite robur, quaedam nationes & curru proeliantur. honestior auriga, clienter propugnant. olim regibus parebant, nunc per principes factionibus & studiis trahuntur; nec aliud aduersus validissimas gentes pro nobis utilius, quam quod in commune non consulunt. Rarus duabus tribusque ciuitatibus, ad propulsandum commune periculum conuentus: ita dum singuli pugnant, vniuersi vincuntur. Coelum crebris imbris ac nebulis foedum, asperitas frigoribus abest. Dierum, spatia ultra nostri orbis mensuram, & nox clara, & extrema Britanniae parte brevis, ut finem atque initium lucis exiguo discrimine internoscas. Quod si nubes non officiant, aspici per noctem Solis fulgorem, nec occidere & exsurgere, sed transire affirmant: scilicet extrema & plana terrarum, humili umbra non erigunt tenebras, infraque caelum & sidera nox cadit. Solum praeter oleam, vitemque, & cetera calidioribus terris oriri sucta, patiens frugum, fecundum: tardè mitescunt, citò proueniunt. eademque vtriusque rei causa, multus humor terrarum, caeli que. Fert Britannia aurum & argentum & alia metalla, pretium victoriae. Gignit & Oceanus margarita, sed subsulca ac liuentia. Quidam artem abesse legentibus arbitrantur. nam in rubro mari viua ac spirantia faxis auelli, in Britannia prout expulsa sint colligi. ego facilius crediderim naturam margaritis deesse, quam nobis auaritiam. Ipsi Britanni dilectum, ac tributa, & iniuncta imperij munera impigre obeunt, si iniuriae absint: has aegrè tolerant, iam domiti ut pareant, nondum ut seruiant. Igitur primus omnium Romanorum D. Iulius cum exercitu Britanniam ingressus, quamquam prospera pugna terruerit incolas, ac littore potitus sit

potest

potest videri ostendisse posteris non tradidisse. Mox bella ciuilia, & in Rempublicam versa principum arma, ac longa obliuio Britanniae etiam in pace. Consilium id Diuus Augustus vocabat, Tiberius praecipue. Agitasse C. Caesarem de intranda Britannia satis constat, ni velox ingenio, mobilis paenitentia, & ingentes aduersus Germaniam conatus frustra fuissent. Diuus Claudius auctor operis, transuectis legionibus auxilijsq; & assumpto in partem rerum Vespasiano, quod initium venturae mox fortunae fuit, domitae gentes, capti Reges, & monstratus satis Vespasianus. Consularium primus Aulus Plautius praepositus, ac subinde Ostorius Scapula, vterque bello egregius: redactaq; paulatim in formam provinciae proxima pars Britanniae, addita insuper veteranorum colonia. quaedam ciuitates Cogiduno Regi donatae: is ad nostram vsque memoriam fidiissimus mansit, vetere ac iam pridem recepta populi Romani consuetudine, vt haberet instrumenta seruitutis & Reges. Mox Didius Gallus parca a prioribus continuic, paucis admodum castellis in vltiora promotis, per quae fama aucti officij quaereretur. Didium Veranius excepit, isque intra annum extinctus est. Suetonius hinc Paullinus biennio prosperas res habuit, subactis nationibus firmatisq; praesidijs: quorum fiducia Mouam insulam vt vires rebellibus ministrantem aggressus, terga occasione patefecit. Namq; absentia legati remoto metu, Britanni agitare inter se mala seruitutis, conferre iniurias, & interpretando accendere. *Nil profici patientia, nisi vt grauiora, et inquam ex facili tolerantibus, imperentur; singulos sibi olim reges fuisse, nunc binos imponi, e quibus legatus in sanguinem, procurator in bona seuiret. aequè discordiam praepositorum, aequè concordiam, subiectis exitiosam: alterius manus centuriones, alterius vim & contumelias misceri: nihil iam cupiditati, nihil libidini exceptum. in praelio fortio rem esse qui spoliet, nunc ab ignavis plerumq; & imbellibus eripi domos, abstrahi liberos, iniungi dilectus, tamquam mori tantum pro patria nescientibus: quantum enim transisse milicium, si sese Britanni numerent? sic Germanas excussisse iugum, & flumine non Oceano defendi: sibi patriam, con-*

iuges, parentes; illis auaritiā & luxuriā causas belli esse: recessuros
 ut Diuus Iulius recessisset, modò virtutes maiorum suorum emularentur;
 neue praelij unius aut alterius euentu pauescerent; plus impetus, maio-
 rem constantiam penes miseros esse. iam Britannorum etiam deos mise-
 veri, qui Romanum ducem absentem, qui relegatum in alia insula exer-
 citum detinerent: iam ipsos, quod difficillimum fuerit, deliberare. porro
 in eiusmodi consilijs periculosius esse deprehendi, quàm audere. His atq;
 talibus inuicem instincti, Voadica generis regij sœmina duce (ne-
 que enim sexum in imperijs discernunt) sumpserunt vniuersi bel-
 lum: ac sparsos per castella milites confectati, expugnatis præsidijs,
 ipsam coloniam inuasere, vt sedem seruitutis. nec vllum in
 Barbaris seuitiæ genus omisit ira & victoria. Quòd nisi Paullinus,
 eò cognito Prouinciæ motu, propere subuenisset, amissâ
 Britannia foret: quam vnus praelij fortuna veteri patientiæ resti-
 tuit, tenentibus arma plerisque, quos conscientia defectionis,
 & proprius ex legato timor agitabat. Hic cum egregius cætera,
 arroganter in deditos, & vt suæ quoq; iniuriæ ultor, durius con-
 suleret, missus Petronius Turpilianus tanquam exorabilior, &
 delictis hostium nouus, eoq; penitentia mitior. compositis
 prioribus nihil ultra ausus, Trebellio Maximo prouinciam tra-
 didit. Trebellius segnior, & nullis castrorum experimentis, co-
 mitate quadam curandi Prouinciam tenuit. Didicere iam Bar-
 bari quoq; ignoscere vitij blandientibus; & interuentus ciui-
 lium armorum præbuit iustam segnitia excusationem; sed di-
 scordia laboratum, cum assuetus expeditionibus miles, ocio la-
 sciuiet. Trebellius fuga ac latebris vitata exercitus ira, indeco-
 rus atq; humilis, precario mox præfuit: ac velut pacti, exercitus
 licentiam, dux salutem; hæc seditio sine sanguine stetit. Nec
 Vestus Bolanus, manentibus adhuc ciuilibus bellis, agitauit
 Britanniam disciplina. eadem inertia erga hostes, similis petu-
 lantia castrorum: nisi quod innocens Bolanus, & nullis delictis
 inuisus, caritatem parauerat loco auctoritatis. Sed vbi cum cæ-
 tero orbe Vespasianus & Britanniam recuperauit, magni duces,

egregij exercitus, minuta hostium spes: & terrorem statim intulit. Penitus Cerialis, Brigantum ciuitatem, quæ numerosissima Prouincia totius perhibetur, aggressus. multa prælia, & aliquando non incruenta: magnamq; Brigantum partem aut victoria amplexus, aut bello. Et quidem alterius successoris curam famamq; cum Cerialis obruisset, sustinuit quoque molem Iulius Frontinus vir magnus quantum licebat, validamq; & pugnacem Silurum gentem armis subegit, super virtutem hostium locorum quoq; difficultates eluctatus. Hunc Britannia statum has bellorum vires media iam æstare transgreßus Agricola inuenit, cum & milites velut omissa expeditione ad securitatem, & hostes ad occasionem verterentur. Oroduicum ciuitas haud multo ante aduentum eius, alam in finibus suis agentem, propè vniuersam obtriuerat: eoq; initio crecta prouincia, vt quibus bellum volentibus erat, præbar exemplum, aut recentis legati animum opperiri. Tum Agricola, quamquam transacta ætas, sparsi per Prouinciã numeri, præsumpta apud militem illius anni quies, tarda & contraria bellum inchoaturo, & plerisq; custodiri suspecta potius videbatur, ire obuiam discrimini statuit: contractisq; legionum vexillis, & modica auxiliorum manu, quia in æquum digredi Orodouices non audebant, ipse antè agmen, quò cæteris par animus, simili periculo esset, crexit aciem; caesaq; propè vniuersa gente, non ignarus instandum famæ, ac prout prima cessissent, fore vniuersa. Monam insulam, cuius possessione reuocatum Paullinum rebellionẽ totius Britannia supra memorauimus, redigere in potestatem animo intendit. Sed vt in dubijs consilijs, naues deerant, ratio & constantia ducis transuexit: depositis omnibus sarcinis, lectissimos auxiliarium, quibus nota vada, & patrius nandi vsus, quo simul seque & arma & equos regunt, ita repentè immisit, vt obstupefacti hostes, qui classem, qui naues, qui mare expectabãt, nihil arduum aut inuidium crediderint, sic ad bellum venientibus. Ita petita pace, ac dedita insula, clarus ac magnus haberi Agricola: quippè cui ingredienti Prouinciã, quod tempus alij

per ostentationem aut officiorum ambitum transigunt, labor & periculum placuisset. Nec Agricola prosperitate rerum in vanitatem usus, expeditionem aut victoriam vocabat, victos contumisse: ne laureatis quidem gesta prosecutus est, sed ipsâ dissimulatione famæ, famam auxit, æstimantibus quanta futuri spectam magna tacuisset. Cæterum animorum Prouinciæ prudens, simulq; doctus per aliena experimenta, parum profici armis si iniuriæ sequerentur, causas bellorum statuit excindere; à se suisq; orsus, primam domum suam coërcuit, quod plerisque haud minus arduum est, quàm Prouinciâ regere: nihil per liberos seruosq; publicæ rei: non studiis priuatis, nec ex cõmendatione aut precibus centurionum milites ascire, sed optimum quemq; fidelissimum putare: omnia scire, non omnia exequi: paruis peccatis veniam, magnis seueritatem commodare: nec pœna semper, sed sæpius poenitentia contentus esse * officiis & administrationibus potius non peccaturos, quàm damnare cùm peccassent. Frumenti & tributorum auctionem æqualitate munerum mollire, circumcisis quæ in quæstum reperta, ipso tributo grauius tolerabantur. namq; per ludibrium assidere clausis horreis, & emere vltro frumenta, ac vendere pretio cogebantur. deuorria itinerum & longinquitas regionum indicebatur: ut ciuitates à proximis hibernis in remota & auia deferrent, donec quod omnibus in promptu erat, paucis lucrosum fieret. Hæc primo statim anno comprimendo, egregiam famam paci circumdedit; quæ vel incuria vel tolerantia priorum, haud minus quàm bellum timebatur. Sed vbi æstas aduenit, contracto exercitu, militem in agmine laudare modestiam, disiectos coërcere: loca castris ipse capere, æstuaria ac syluas ipse prætentare: & nihil interim apud hostes quietum pati, quo minus subitis excursibus popularetur. atq; vbi satis terruerat, parcendo rursus * irritamenta pacis ostentare. Quibus rebus multæ ciuitates, quæ in illum diem ex æquo egerant, datis obsidibus iram posuere, & præfidijs castellisq; circumdatæ, tanta ratione curaq; ut nulla antè

Britannia noua pars illacessita transierit. Sequens hiems salu-
 berrimis consilijs absumpta. namque vt homines dispersi ac ru-
 des, eoq; bello faciles, quieti & otio per voluptates assuescerent.
 hortari priuatim, adiuuare publice; vt templa, fora, domus exu-
 erent, laudando promptos, & castigando segnes. ita honoris
 æmulatio, pro necessitate erat. Iam verò principum filios libe-
 ralibus artibus erudire, & ingenia Britannorum studijs Gallorum
 anteferre, vt qui modò linguam Romanam abnuebant, eloquen-
 tiam concupiscerent. inde etiam habitus nostri honor, & fre-
 quens toga. paulatimq; discessum ad delinimenta vitiorum,
 porticus, & balnea, & conuiuiorum elegantiam. idq; apud im-
 peritos humanitas vocabatur, cùm pars seruitutis esset. Tertius
 expeditionum annus, nouas gentes aperuit, vastatis vsq; ad Taum
 (æstuario nomen est) nationibus. qua formidine territi hostes
 quamquam conflictatum sæuis tempestatibus exercitum, lace-
 sere non ausi; ponendisq; insuper castellis spatium fuit. Adno-
 tabant periti, non alium ducem opportunitates locorum sapien-
 tiùs legisse; nullum ab Agricola positum castellum, aut vi ho-
 stium expugnatum, aut pactione ac fuga desertum. crebræ eru-
 ptiones. nam aduersus moras obsidionis, annuis copijs firma-
 bantur. ita intrepida ibi hiems, & sibi quisq; præsidio, irritis
 hostibus, eoq; desperantibus, quia soliti plerumq; damna æstatis
 hibernis euentibus pensare, tum æstate atq; hieme iuxta pelle-
 bantur. Nec Agricola vnquam per alios gesta auidus interceptit:
 seu centurio, seu præfectus, incorruptum facti testem habebat.
 Apud quosdam acerbior in conuiijs narrabatur, vt bonis comis,
 ita aduersus malos iniucundus. cæterum ex iracundia nihil super-
 erat. secretum & silentium eius non timeres. honestiùs putabat
 offendere, quàm odisse. Quarta æstas obtinendis quæ percurrere
 insumpta. ac si virtus exercituum & Romani nominis gloria
 pateretur, inuentus in ipsa Britannia terminus. Nam Glota & Bo-
 dotria diuersi maris æstu per immensum reuerti, angusto terra-
 rum spatio dirimuntur. quòd cum præsidij firmabatur: atq;

omnis

omnis propior sinus tenebatur, summotis velut in aliam insulam hostibus. Quintò expeditionem anno naue prima transgressus, ignoras ad id tempus gentes crebris simul ac prosperis prælijs domuit: eamque partem Britanniae quæ Hiberniam aspicit, copijs instruxit, in spem magis quam ob formidinem. siquidem Hibernia medio inter Britanniam atque Hispaniam sita, & Gallico quoque mari opportuna, valentissimam imperij partem, magnis inuicem vsibus miscuerit. Spatium eius si Britanniae comparetur angustius, nostri maris insulas superat. Solum cælumque & ingenia cultusque hominum haud multum à Britannia differunt. melius aditus portusque per commercia & negotiatores cogniti. Agricola expulsum seditione domestica vnum ex Regulis gentis exceperat, ac specie amicitiae in occasionem retinebat. Sæpè ex eo audiui, legione vna & modicis auxilijs debellari obtinerique Hiberniam posse. Idque etiam aduersus Britanniam profuturum, si Romana ubique arma, & velut è conspectu libertas tolleretur. Cæterum ætate qua sextum officij annum inchoabat, ampla ciuitate trans Bodotriam sita, quia motus vniuersarum ultra gentium, & infesta hostili exercitu itinera timebantur, portus classe explorauit: quæ ab Agricola primùm assumpta in partem virium, sequebatur egregia specie, cum simul terra simul mari bellum impelleretur: ac sæpè iisdem castris pedes equeque & nauticus miles mixtis copijs & lætitijs sua quisque facta suos casus attollerent: ac modò sylvarum & montium profunda, modò tempestatum ac fluctuum aduersa, hinc terra & hostis, hinc * auctus Oceanus militari iactantia compararentur. Britannos quoque, ut ex captiuis audiebatur, visa classis obstupefaciebat, tamquam aperto maris sui secreto vltimum victis perfugium clauderetur. Ad manus & arma conuersi Caledoniam incolentes populi, paratu magno, maiore fama, uti mos est de ignotis, * oppugnasse vltro, castella adorti, metum ut prouocantes addiderant: regrediendumque citra Bodotriam & excedendum potius, quam pellerentur, specie prudentium ignaui admonebant. cum interim co-

gnoscit, hostes pluribus agminibus irrupturos. Ac ne superante numero, & pericia locorum circumferantur, diuiso & ipse in tres partes exercitu incescit. Quod ubi cognitum hosti, mutato repente consilio, ynuerſi nonam legionem vt maxime inualidam, nocte aggressi, interſonnum ac trepidationem, caelis vigilibus irruptere. Iamq; in ipsis castris pugnabant, cum Agricola iter hostium ab exploratoribus edoctus, & vestigijs insecutus, velocissimos equitum peditumq; assultare tergis pugnantium iubet, mox ab vnuerſis adijci clamorem. & propinqua luce fulſere signa: ita accipiti malo territi Britanni: & Romanis redit animus, ac securi pro salute, de gloria certabant. vtrò quin etiam irruptere. & fuit atrox in ipsis portarum angustijs praelium, donec pulsi hostes, vtroq; exercitu certante, his vt tulisse opem, illis ne eguisse auxilio viderentur. quod nisi paludes & syluæ fugientes texissent, debellatum illa victoria foret. Cuius constancia ac fama ferox exercitus, nihil virtuti suæ inuium, penetrandam Calcedoniam, inueniendumq; tandem Britanniae terminum continuo praeliorum cursu fremebant: atque illi modò cauti ac sapientes, prompti post euentum ac magniloqui erant. iniquissima hæc bellorum conditio est, prospera omnes sibi vindicant, aduersa vni imputantur. At Britanni non virtute sed occasione & arte ducis rati, * nihil ex arrogantia remittere, quò minus iuuentutem armarent, coniuges ac liberos in loca tuta transferent, coetibus ac sacrificijs conspirationem ciuitatum sancirent; atque ita irritatis vtriusque animis discessum. Eadem æstate cohors Vſipiorum per Germanias conscripta, in Britanniam transmissa, magnum ac memorabile facinus auſa est. Occiso Centurione ac militibus, qui ad tradendam disciplinam immixti manipulis exemplum & rectores habebantur, tres liburnicas adactis per vim gubernatoribus ascendere: & vno remigrante, suspectis duobus eoq; interfectis, nondum vulgato rumore, vt miraculum prouehantur, mox hæc atque illâ rapti, & cum plerisq; Britannorum sua defensionium praelio congressi, ac sæpè victores, aliquando pulsi, eo ad extremum

tremum inopia vendere, ut infimissimos suorum, mox sorte du-
 ctos velerentur, atque ita circumuecti Britanniam, amissis per
 insidiam regendi nauibus, pro praedonibus habiti, primum à
 Sueuis, mox à Frisjs intercepti sunt, ac fuere quos per commercia
 venumdatis, & in nostram usque ripam mutatione ententium
 adductos, indicium tanti casus illustravit. Initio æstatis Agricola
 domestico vulnere ictus, anno ante natum filium amisit. Quem
 casum neque ut pleriq; fortium virorum ambitiosè, neq; per la-
 menta carius ac mœrorem muliebriter tulit. & in luctu, bellum
 inter remedia erat. Igitur præmissa classe quæ pluribus locis
 prædata, magnum & incertum terrorem faceret, expedito exer-
 citu, cui ex Britannis fortissimos & longa pace exploratos addi-
 derat, ad montem Grampium peruenit, quem iam hostes insè-
 derant. Nam Britanni nihil fracti, pugnae prioris euentu, &
 ultionem aut seruitium expectantes, tandemq; docti communes
 periculum concordia propullandum, legationibus & foederibus
 omnium ciuitatum vires exciuerant. Iamq; super triginta millia
 armatorum aspiciebantur, & adhuc affluebat omnis iuuentus, &
 quibus cruda ac viridis senectus, clari bello, ac sua quicunque deco-
 ra gestantes: cum inter plures duces virtute & genere præstans,
 nomine Galgacus, apud contractam multitudinem prælum po-
 secentem, in hunc modum locutus fertur: Quotiens causas belli &
 necessitatem nostram intueor, magnus mihi animus est, hodiernum diem,
 consensumq; vestrum, initium libertatis totius Britannia fore. Nam &
 vniuersi seruitutis expertes: & nulla ultra terra, ac ne mare quidem se-
 curum, imminente nobis classe Romana. ita prælum atq; arma, qua for-
 tibus honesta, eadem etiam ignavis tutissima sunt. Priores pugna, quibus
 aduersus Romanos variâ fortunâ certatum est, spem ac subsidium in no-
 stris manibus habebant: quia nobilissimi totius Britannia, eodq; in ipsis
 penetrabilibus siti, nec seruentium littora aspicientes, oculos quodq; à conta-
 ctu dominationis inuiolatos habebamus: nos terrarum ac libertatis ex-
 tremos, recessus ipse ac sinus fama in hunc diem defendit. nunc terminus
 Britannia patet, atq; omne ignotum, pro magnifico est. Sed nulla iam
 ultra.

ultrà gens, nihil nisi fluctus & saxa, & interiores Romani. quorum a-
 perbiam frustra per obsequium & modestiam effugeris. raptores orbis,
 postquam cuncta vastantibus, desuere terra, & mare scrutantur: si lo-
 cuples hostis est, auari: si pauper, ambiciosi. quos non Oriens, non Occi-
 dens, satiauerit: soli omnium, opes atq; inopiam pari affectu concupi-
 scunt. auferre, trucidare, rapere falsis nominibus imperium: atq; ubi so-
 litudinem faciunt, pacem appellant. liberos cuiq; ac propinquos suos na-
 tura carissimos esse voluit: hi per dilectus alibi seruituri auferuntur.
 Coniuges sororesq; & si hostilem libidinem effugiant, nomine amicorum
 atq; hospitium polluantur. Bona fortunaq; in tributum egerunt; in an-
 nonam, frumentum; corpora ipsa ac manus, syluis ac paludibus emuni-
 endis, verbera inter ac contumelias, conterunt. Nata seruituti mancipia
 semel veneunt, atq; ultro à dominis aluntur: Britannia seruitutem suā
 quotidie emit, quotidie pascit. Ac sicut in familia recentissimus quisque
 seruorum & consenuis ludibrio est: sic in hoc orbis terrarum vetere fa-
 mulatu, noui nos & viles in excidium petimur. Neq; enim arua nobis,
 aut metalla, aut portus sunt, quibus exercendis referuemur. Virtus
 porro ac ferocia subiectorum, ingrata imperantibus, & longinquitas ac
 secretum ipsum, quò tutius, eò suspectius. Ita sublata spe venia, tandem
 sumite animum, tam quibus salus, quàm quibus gloria carissima est.
 Brigantes, famina duce, exurere coloniam, expugnare castra; ac nisi felici-
 tas in secordiam vertisset, exuere iugum potuere: nos integri & indo-
 miti & libertatem non in praesentia laturi, primò statim congressu unde
 ostendamus, quos sibi Caledonia viros seposuerit. An eandem Romanis
 in bello virtutem, quam in pace lasciuiam adesse creditis? Nostreis illi
 discessionibus ac discordijs clari, vitia hostium in gloriam exercitus sui
 vertunt: quem contractum ex diuersissimis gentibus, ut secunda res te-
 nent, ita aduersa dissoluent. nisi si Gallos & Germanos, & (pudet dictu)
 Britannorum plerosq; dominationi alienae sanguinem commodantes, diu-
 tius tamen hostes quàm seruos, fide & affectu teneri putatis: metus &
 terror est, infirma vincula caritatis; quae ubi remoueris, qui timere de-
 sierint, odisse incipient. Omnia victoria incitamenta pro nobis sunt:
 nulla Romanos coniuges accendunt: nulli parentes fugam exprobraturi
 sunt:

sunt: aut nulle plerisq; patria, aut alia est: paucos numero circum trepidos ignorantia, talum ipsam ac mare & sylvas ignota omnia circum spectantes, clausos quodammodo ac vinctos* alij nobis tradiderunt. Ne terreat vanus aspectus, & auri fulgor atq; argenti, quod neq; tegit, neq; vulnerat. in ipsa hostium acie inueniemus nostras manus. agnoscent Britanni suam causam: recordabuntur Galli priorem libertatem: deferent illos ceteri Germani, tamquam nuper Vspij reliquerunt. Nec quidquam ultra formidinis, vacua castella, sonum colonie, inter male parentes & iniuste imperantes: agra municipia & discordantia. hic dux, hic exercitus. ibi tributa & metalla, & cetera seruientium pana, quas in eternum proferre, aut statim ulcisci, in hoc campo est. Proinde ituri in aciem, & maioreis vestros, & posteros cogitate. Excepere orationem alacres, & barbari mores cantu & fremitu clamoribusq; dissonis. idmq; agmina, & armorum fulgores, audentissimi cuiusq; procursum: simul instruebantur acies. cum Agricola quanquam letum & vix monitis coërcitum militem* adhuc ratus ita disseruit. Octauus annus est, commilitones, ex quo virtute & auspicijs imperij Romani, fide atq; opera vestra Britanniam vicistis: tot expeditionibus, tot praeliis, seu fortitudine aduersus hostes, seu patientia ac labore panē aduersus ipsam rerum naturam opus fuit. Neq; me militum, neq; vos ducis penituit. Ergo egressi, ego veterum legatorum, vos priorum exercituum terminos, finem Britannie non fama nec rumore, sed castris & armis tenemus. Inuenta Britannia, & subacta. Equidem in agmine, cum vos paludes montesq; & flumina fatigarēt, fortissimi cuiusq; vocem audiebam. Quando dabitur hostis, quando acies? veniunt à latebris suis extrusti, & vota virtusq; in aperto, omniaq; prona victoribus, atq; eadem victis aduersa. Nam ut superasse tantum itineris, sylvas euasisse, transisse aestuaria, pulchrum ac decorum in frontem, ita fugientibus periculosissima, quæ hodie prosperrima sunt. Neq; enim nobis aut locorum eadem notitia, aut comœtuum eadem abundantia: sed manus, & arma, & in his omnia. Quod ad me attinet, iam pridem mihi decretum est, neq; exercitus, neq; ducis terga tuta esse. Proinde & honesta mors turpi vitâ potior, & incolumitas ac decus, eodem loco sita sunt: nec inglorium fuerit, in ipso terrarum ac natura sine cecidisse. Si nouæ gentes atq; ignota acies constitis-

sec. aliorum exercituum exemplis vos hortaret. nunciusque decore ne-
 censele, vestros de illis interrogare. Ijs sunt quos proximo anno, reman-
 gentem furtim noctis aggressos, clamore debellastis, & ceterorum Britan-
 norum fugacissimi. Ideoq; iam diu superstites. Quomodo sylvas saltusq;
 penetrantibus, fortissimum quodq; animal robore, pauida & inentia ipso
 agminis furore pelluntur: sic acerrimi Britanorum iam pridem ceciderunt;
 reliqua est numerus ignauorum & metuentium, quos quod tandem in-
 uenisset, non restiterunt, sed deprebensi sunt nouissimi. & extrema metu
 corpora deficere in his vestigijs, in quibus pulchram & spectabilem victo-
 riam cederetis. Transigite cum expeditionibus; impunite quinquaginta
 annis in ignum diem, approbate Reip. numquam exercitui impicari po-
 tuisse, aut moras belli, aut causas debellandi. Et alloquente adhuc A-
 gricola militum ardor eminebat, & finem orationis ingens ala-
 citas consecuta est, statimq; ad arma discursum; instinctos ruen-
 tesq; ita disposuit, ut peditum auxilia quæ octo milia erant, me-
 diam aciem firmarent: equitum tria milia, cornibus affunderen-
 tur. legiones pro vallo steterunt, ingens victoriae decus citra Roma-
 num sanguinem bellanti, & auxilium si pellerentur. Britanno-
 rum acies, in speciem simul ac terrorem, edioribus locis consti-
 terant: ita ut primum agmen æquo, ceteri per aceline iugum
 conexi velut insurgerent: media campi conuinarius & eques stre-
 pitu ac discursu complebat. Tum agricola superante hostium
 multitudine veritus, ne simul in frontem, simul & latera suorum
 pugnaretur, diductis ordinibus, quamquam porrectior acies fu-
 tura erat, & arcessendas pleriq; legiones admonebant, promptior
 in spem, & firmus aduersis, dimisso equo pedes ante vexilla con-
 stitit. Ac primo congressu eminus certabatur. simul constantia,
 simul arte Britanni, ingentibus gladijs & breuib; cetris, missilia
 nostrorum vitare, vel excutere, atq; ipsi magnam vim telorum
 superfundere: donec Agricola tres Batavorum cohortes ac Tun-
 gorum duas cohortatus est, ut rem ad mucrones ac manus addu-
 cerent. quod & ipsis vetustate militiae exercitatum, & hostibus
 inhabile parua scuta & enormes gladios gerentibus. nam Britan-
 norum gladij sine mycerone complexum armorum, & in aperto
 pugnam

pugnam non tolerabant. Igitur ut Batavi miscere ictus, ferire
 virbonibus, ora foedare & tractis qui in æquo obstitierant, erigere
 in colles aciem capere; cæteræ cohortes emulatione & impetu
 commistæ proximos quosque ordere, ac plerique semineces aut
 ibregri festinatione victoriæ relinquebantur. Interim equitum
 turmæ fugere, conuinari, peditum se prælio miscere: & quam-
 quam recentem terrorem intulerant, densis tamen hostium a-
 gminibus & inæqualibus locis hærebant: minimeque equestris ea
 pugnae facies erat, cum in gradu stantes simul equorum corpori-
 bus impellorentur, ac sæpè vagi currus, exterriti sine rectoribus
 equi, vequemque formido tulerat, transuersos, aut obuios incur-
 sabant. Et Britanni qui adhuc pugnae expertes summa collium
 infederant, & paucitatem nostrorum vacui spernebant, digredi
 paulatim & circumire terga vincientium cæperant: ni id ipsum
 veritus Agricola quatuor equitum alas ad subita belli retentas, ve-
 nientibus opposuisset; quantoque ferocius accurrerant, tanto acrius
 pulsos in fugam disiecit. Ita consilium Britannorum in ipsos
 versum, transuectæque præcepto ducis à fronte pugnantium alæ,
 auersam hostium aciem inuasere. Tum verò patenti bus lo cis
 grande & atro x spectaculum: sequi, vulnerare, capere: a tque
 eodẽ oblati alijs trucidare. Iam hostium, prout cuique inge-
 genium erat, cæteræ armatorum paucioribus terga præstare,
 quidam inermes ultro ruerẽ, ac se morti offerre. Passim arma,
 & corpora, & lacerti artus, & cruenta humus: & aliquando etiam
 victis ira victisque. Postquam syluis appropinquarunt, collecti, pri-
 mos sequentium incautos & locorum ignaros circumuenie-
 bant. Quod ni frequens ubique Agricola, validas & expeditas
 cohortes indaginis modo, & sicubi artiora erant, partem equitum
 dimissis equis, simul rariore s syluas equitem perfultare iussisset,
 acceperunt aliquod vulnus per nimiam fiduciam foret. Cæterum
 ubi compositos firmis ordinibus sequi rursus videre, in fugam
 versi, non agminibus ut prius, nec alius alium respectantes, rari,
 & vitabundi inuicem, longinqua atque auia petiere. finis sequen-
 di nox & satietas fuit, caesa hostium ad decem millia nostrorum

trecenti quadraginta cecidere. in quis Aulus Atticus præfectus cohortis, iuuenili ardore & ferociâ equi hostibus illatus. Et nox quidem gaudio prædaque læta victoribus: Britanni palantes mixtoq; virorum mulierumq; ploratu, trahere vulneratos, vocare integros, deferere domos, ac per iram vltro incendere: eligere latebras, & statim relinquere; miscere inuicem consilia aliqua, deinsperare: aliquando frangi aspectu pignorum, suorum, sæpius concitari. satisq; constabat sæuisse quosdam in coniuges ac liberos, tamquam misererentur. Proximus dies faciem victoriæ latiùs aperuit. vastum vbiq; silentium, secreti colles, fumantia procul tecta, nemo exploratoribus obuius. quibus in omnem partem dimissis, vbi incerta fugæ vestigia, neq; vsquam conglobari hostes compertum, & exacta iam æstate spargi bellum nequibat, in fines Horestorum exercitum deducit. Ibi acceptis obsidibus, profecto classis circumuehi Britanniam præcepit. datæ ad id vires, & præcesserat terror. ipse peditem atq; equites lento itinere, quo no-uarum gentium animi ipsa transicus mora terrerentur, in hibernis locauit. Et simul classis secunda tempestate ac fama Trutulensem portum tenuit, vnde proximo latere Britaniæ lecto omni redierat. Hunc rerum cursum, quamquam nullâ verborum instantiâ, epistolis Agricola æctum, vt Domiciano moris erat, fronte lætus, pectore anxius excepit. Inerat conscientia, derisui fuisse nuper falsum è Germania triumphum, emptis per commercia, quorum habitus & crines in captiuorum speciem formaretur: at nunc veram magnamq; victoriam, tot millibus hostium cæsis, ingenti fama celebrari. Id sibi maximè formidolosum, priuati hominis nomen supra principis attolli: frustra studia fori, & ciuiliu artium decus in silentium acta, similitarem gloriam alius occuparet: cætera vteumq; facilius dissimulari, ducis boni imperatoriam virtutem esse. Talibus curis exercitus, quodq; sæuæ cogitationis indicium erat, secreto suo faciatus, optimum in præsentia statuit reponere odium, donec impetus famæ & fauor exercitus languesceret. nam etiam tum Agricola Britanniam obtinebat. Igitur triumphalia ornamenta, & illustris statuae honorem, &

quidquid


quidquid pro triumpho datur, multo verborum honore cum-
lata, decerni in senatu iubet: addique insuper opinionem, Syriam
prouinciam Agricolaë destinari, vacuam tum morte Atylij Rufi
Consularis, & maioribus reseruata. Credidere plerique, liber-
tum ex secretioribus ministerijs missum ad Agricola, codicillos
quibus ei Syria dabatur tulisse, cum præcepto, ut si in Britannia
foret, traderentur: eumque libertum in ipso freto Oceani obuium
Agricolaë, ne appellato quidem eo ad Domitianum remeasse, siue
verum istud, siue ex ingenio principis fictum ac compositum est.
Tradiderat interim Agricola successori suo Prouinciam quietam
tutamque. Ac ne notabilis celebritate & frequentia occurrentium
introitus esset, vitato amicorum officio, noctu in urbem, noctu
in palatium, ita ut præceptum erat, venit: exceptusque breui osculo
& nullo sermone, turbæ seruientium inmixtus est. Cæterum ut
militare nomen, graue inter otiosos, alijs virtutibus temperaret,
tranquillitatem atque otium penitus auxit, cultu modicus, ser-
mone facilis, vno aut altero amicorum comitatus: adeo ut ple-
rique, quibus magnos viros per ambitionem æstimare mos est,
visu aspectoque Agricola, quærent famam, pauci interpretarentur.
Crebro per eos dies apud Domitianum absens accusatus, absens
absolutus est: causa periculi non crimen vllum, aut querela læsi
cuiusquam, sed insens virtutibus princeps, & gloria viri, ac pes-
simum inimicorum genus, laudantes. Etea inscuta sunt Reipub-
licæ tempora, quæ sileri Agricola non sinerent: tot exercitus
in Mœsia Daciaque, & Germaniâ Pannoniaque, temeritate aut per-
ignauiam ducum amissi: tot militares viri cum tot cohortibus
expugnati & capti: nec iam de limite imperij & ripâ, sed de hi-
bernis legionum & possessione dubitatum. Ita cum damna
damnis continuarentur, atque omnis annus funeribus & cladibus
insigniretur, poscebatur ore vulgi dux Agricola: comparantibus
cunctis vigorem, constantiam, & expertum bellis animum, cum
inertiâ & formidine eorum. Quibus sermonibus satis constat
Domitiani quoque aures verberatas, dum optimus quisque liber-
torum amore & fide, pessimi malignitate & liuore, prouum dete-

rioribus principem exstimulabant. Sic Agricola simul suis virtutibus, simul vitijs aliorum, in ipsam gloriam præceptis agebatur. Aderat iam annus quo præconsulatum Asiae & Africae sortiretur, & occisio Cluisea nuper, nec Agricolaæ consilium deerat, nec Domitianæ exemplum. Accesserit quidam cogitationum principis peritij, quicquid sine esset in provinciam, ultro Agricolam interrogarent, ac primò occultius quietem & otium laudare, mox operam suam in approbanda excusatione offerre: postremo non iam obscuri, suadentes simul terrentesq; pertrahere ad Domitianum: qui paratus simulatione, in arrogantiam compositus, & audij preces excusantis, & cum annuisset, agi sibi gratias passus est: nec erubuit beneficii invidiam. salarium tamen præconsulari solitum offerri, & quibusdam à seipso concessum, Agricola non dedit: siue offensus non peticum, siue ex conscientia, ne quod vetuerat videretur emisse. Proprium humani ingenij est, odisse quem læsetis: Domitiani verò natura præceptis in iram, & quò obscurior, eò irreuocabilius, moderatione tamen prudentiaque Agricola leniebatur, quia non contumacia, neque inania citatione libertatis, famam fatumq; prouocabat. Sciant quibus moris illicita mirari, posse etiam sub malis principibus magnos viros esse: obsequiumq; ac modestiam, si industria ac vigor adsint, eò laudis excedere, quò pleriq; per abrupta, sed in nullum rei post vltimum, ambiciosa morte inclauerunt. Finis vite eius nobis lætiosus, amicis tristis, extraneis etiam ignotusq; non sine curâ fuit. Vulgus quoque & hic aliud agens populus, & ventuauere ad domum, & per fora & circulos locuti sunt: nec quisquam audiam morte Agricolaæ, aut lætatus est, aut statim oblitus est. Augubat miserationem constans rumor, veneno interceptum. Nobis nihil comperti affirmare ausim. ceterum per omnem valetudinem eius, crebrius quàm ex more principatus per nuntios visquis, & libertuorum primi, & medicorum intimi venerat siue cura illud, siue inquisitio erat. Supremo quidem die, momenta deficientis per dispositos euntes nuntiata constabat, nullo credente sic accelerari, quæ tristis audiret. Speciem tamen doloris animo vultuq;

vultuq; præ se tulit, securus iam odij & qui facilius dissimulare et gaudium quàm merum. Satis constabat lecto testamento Agricola, quo cohærenti optimæ uxori & piissimæ filiæ Domitianum scripsit, lætaturum eum, velut honore iudicioq; tam cæca & corrupta mens affideis adulationibus erat, ut nesciret à bono patre non scribi hæredem, nili malum principem. Natus erat Agricola Cato: Cæsare tertium Cons. Idib. Iunijs: excessit sexto & quinquagesimo anno decimo Calen: Septembris. Collega Prætorq; Coss. Quod si habitum quoq; eius posteri noscere velint, decentior quàm sublimior fuit. nihil metus in vultu: gratia oris supererat. bonum virum facile crederes, magnum libenter. Et ipse quidem, quamquam medio in spatio integræ ætatis ereptus, quantum ad gloriam, longissimum ævum peregit. Quippè & vera boni quæ in virtutibus sita sunt, impleuerat, & Consularibus ac Triumphalibus ornamentis prædito, quid aliud adstruere fortuna poterat? Opibus nunijs non gaudebat, speciosæ contigerant, filia atq; vxore superstitiibus, potest videri etiam beatus, incolumi dignitate, florente famâ, saluis affinitatibus & amicitijs futura effugisse. Nam sicut durare in hac beatissimi sæculi luce, ac principem Traianum videre, augurio votisq; apud nostras aures ominabatur: ita festinata mortis grande solatium tulit, euasisse postremum illud tempus, quo Domitianus non iam per intervalla ac spiramenta tēporū, sed continuo velut & vno ictu rempublicā exhaustit. Non vidit Agricola obsellam curiam, & clausū armis senatū & eadē strage tot consulariū cedes, tot nobilissimarū feminarū ex filia & fugas. Vnâ adhuc victoriâ Carus Metus cēlebatur, & intra Albanā villā sententia Messalini strepebat, & Massā Bebiana cum reus erat. Mox nostræ duxere Heluidium in carcerem manus: nos Maurici, Rusticiq; visus, nos innocenti sanguine Senecio perfudit. Nero tamen subtraxit oculos, inspicq; scelera, non spectauit. præcipua sub Domitiano miseriarum pars erat, videre & aspici: cum suspicia nostra subscriberentur: cum denotâdis tot hominum palloribus sufficeret saeuus ille vultus & rubor, à quo se contra pudorem muniebat. Tu verò felix Agricola non vitæ ran-

tum claritate, sed etiam opportunitate mortis ut perhibent qui interfuerunt nouissimis sermonibus tuis, constans & libens facum excepisti, tamquam pro virili portione innocentiam principi donares. Sed mihi filiaeq; præter acerbicatem parentis erepti, auget maestitiam, quod assidere valetudini, fouere deficientem, satiarivultu, complexu, non contigit. excepissem certè mandata vocisq;, quas penitus animo figeremus. Noster hic dolor, nostrum vulnus: nobis tam longæ absentiæ conditione ante quadriennium amissus es. Omnia sine dubio, optima parentum assidente amantissima vxore, superfuere honori tuo: paucioribus tamen lachrimis compositus es, & nouissima in luce desiderauere aliquid oculi tui. Si quis piorum manibus locus, si, ut sapientibus placet, non cum corpore extinguuntur magnæ animæ; placide quiescas. nos domum tuam ab infirmo desiderio, & mulieribus lamentis ad contemplationem virtutum tuarum voces, quas neque lugeri, neq; plangi fas est: admiratione* te potius temporalibus laudibus, & si natura suppeditet,* militum decoramus. Is verus honos, ea coniunctissimi cuiusq; pietas. Id filia quoq; vxorq; præceperim, sic patris, sic mariti memoriam venerari, ut omnia facta dictaq; eius secum reuoluant, famamq; ac figuram animi magis quam corporis complectantur. non quia intercedendum putem imaginibus quæ marmore aut ære finguntur: sed ut vultus hominum, ita simulacra vultus imbecilla ac mortalia sunt: forma mentis æterna. quam tenere & exprimere non per aliena materiam & artem, sed tuis ipse moribus possis. Quidquid ex Agricola amauimus, quidquid mirati sumus, manet, mansurumq; est in animis hominum, ita æternitate temporum, famâ rerum. Nam multos veterum velut inglorios & ignobiles obliuio obruet: Agricola posteritati narratus & traditus, superstes erit.





3467

8127

31

